

חגי'

2

הפרק 1

בשנת שתיים לדריוש המלך בחדש הששי ביום אחד לחדש היה דבר יהוה ביד חגי הנביא אל זרובבל בן שאלתיאל פחת יהודה ואל יהושע בן יהוצדק הכהן הגדול לאמה² כה אמר יהוה צבאות לאמר העם הזה אמרו לא עת בא עת בית יהוה להבנות³ ויהי דבר יהוה ביד חגי הנביא לאמה⁴ העת לכם אתם לשבת בבתיכם ספונים והבית הזה חרב⁵ ועתה כה אמר יהוה צבאות שימו לבבכם על דרכיכם⁶ זרעתם הרבה והבא מעט אכול ואין לשבעה שתו ואין לשכרה לבוש ואין לחם לו והמשתכר משתכר אל צרור נקוב⁷ כה אמר יהוה צבאות שימו לבבכם על דרכיכם⁸ עלו ההר והבאתם עץ ובנו הבית וארצה בו ואכבד אמר יהוה⁹ פנה אל הרבה והנה למעט והבאתם הבית ונפחתי בו יען מה נאם יהוה צבאות יען ביתי אשר הוא חרב ואתם רצים איש לביתו¹⁰ על כן עליכם כלאו שמים מטל והארץ כלאה יבולח¹¹ ואקרא חרב על הארץ ועל ההרים ועל הדגן ועל התירוש ועל היצהר ועל אשר תוציא האדמה ועל האדם ועל הבהמה ועל כל יגיע כפים¹² וישמע זרובבל בן שלתיאל ויהושע בן יהוצדק הכהן הגדול וכל שארית העם בקול יהוה אלהיהם ועל דברי חגי הנביא כאשר שלחו יהוה אלהיהם וייראו העם מפני יהוה¹³ ויאמר חגי מלאך יהוה במלאכות יהוה לעם לאמר אני אתכם נאם יהוה¹⁴ ויער יהוה את רוח זרובבל בן שלתיאל פחת יהודה ואת רוח יהושע בן יהוצדק הכהן הגדול ואת רוח כל שארית העם ויבאו ויעשו מלאכה בבית יהוה צבאות אלהיהם¹⁵ ביום עשרים וארבעה לחדש בששי בשנת שתיים לדריוש המלך

הפרק 2

בשביעי בעשרים ואחד לחדש היה דבר יהוה ביד חגי הנביא לאמר²
אמר נא אל זרובבל בן שלתיאל פחת יהודה ואל יהושע בן יהוצדק הכהן הגדול ואל שארית העם
לאמר
³מי בכם הנשאר אשר ראה את הבית הזה בכבודו הראשון ומה אתם ראים אתו עתה הלוא כמהו
כאין בעיניכם
⁴ועתה חזק זרובבל נאם יהוה וחזק יהושע בן יהוצדק הכהן הגדול וחזק כל עם הארץ נאם יהוה ועשו
כי אני אתכם נאם יהוה צבאות
⁵את הדבר אשר כרתי אתכם בצאתכם ממצרים ורוחי עמדת בתוכם אל תיראו

⁶כי כה אמר יהוה צבאות עוד אחת מעט היא ואני מרעיש את השמים ואת הארץ ואת הים ואת החרבח

⁷והרעשתי את כל הגוים ובאו חמדת כל הגוים ומלאתי את הבית הזה כבוד אמר יהוה צבאות

⁸לי הכסף ולי הזהב נאם יהוה צבאות

⁹גדול יהיה כבוד הבית הזה האחרון מן הראשון אמר יהוה צבאות ובמקום הזה אתן שלום נאם יהוה צבאות

¹⁰בעשרים וארבעה לתשיעי בשנת שתים לדריוש היה דבר יהוה אל חגי הנביא לאמר

¹¹כה אמר יהוה צבאות שאל נא את הכהנים תורה לאמר

¹²הן ישא איש בשר קדש בכנף בגדו ונגע בכנפו אל הלחם ואל הנזיד ואל היין ואל שמן ואל כל מאכל היקדש ויענו הכהנים ויאמרו לא

¹³וַיֹּאמֶר חֲגִי אִם יֵגַע טִמְא נֶפֶשׁ בְּכָל אֱלֹהֵי הַטִּמְא וַיֵּעֲנוּ הַכֹּהֲנִים וַיֹּאמְרוּ יִטְמָא

¹⁴וַיֵּעַן חֲגִי וַיֹּאמֶר כֵּן הָעַם הַזֶּה וְכֵן הַגּוֹי הַזֶּה לִפְנֵי נָאם יְהוָה וְכֵן כָּל מַעֲשֵׂה יָדֵיהֶם וְאֲשֶׁר יִקְרִיבוּ שֵׁם טִמְא הוּא

¹⁵וַעֲתָה שִׁימוּ נָא לִבְבֵּכֶם מִן הַיּוֹם הַזֶּה וּמַעֲלָה מִטְרָם שׁוּם אֲבָן אֶל אֲבָן בְּהִיכַל יְהוָה

¹⁶מִהַיּוֹתֶם בָּא אֶל עֲרַמַּת עֲשָׂרִים וְהִיתָה עֲשָׂרָה בָּא אֶל הַיֶּקֶב לַחֲשָׁף חֲמִשִּׁים פֹּרָה וְהִיתָה עֲשָׂרִים

¹⁷הַכִּיתִי אֶתְכֶם בַּשְּׁדָּפוֹן וּבִירְקוֹן וּבִבְרָד אֶת כָּל מַעֲשֵׂה יָדֵיכֶם וְאִין אֶתְכֶם אֵלַי נָאם יְהוָה

¹⁸שִׁימוּ נָא לִבְבֵּכֶם מִן הַיּוֹם הַזֶּה וּמַעֲלָה מִיּוֹם עֲשָׂרִים וְאַרְבַּעַה לַתְּשִׁיעִי לְמִן הַיּוֹם אֲשֶׁר יִסַּד הִיכַל יְהוָה שִׁימוּ לִבְבֵּכֶם

¹⁹הָעוֹד הַזֶּרַע בַּמַּגּוּרָה וְעַד הַגֶּפֶן וְהַתְּאֵנָה וְהַרְמוֹן וְעֵץ הַזֵּית לֹא נִשָּׂא מִן הַיּוֹם הַזֶּה אֲבָרְךָ

²⁰וַיְהִי דְבַר יְהוָה שְׁנִית אֶל חֲגִי בַעֲשָׂרִים וְאַרְבַּעַה לַחֲדָשׁ לֹאמַר

²¹אֲמַר אֶל זִרְבָּבֶל פַּחַת יְהוּדָה לֹאמַר אֲנִי מַרְעִישׁ אֶת הַשָּׁמַיִם וְאֶת הָאָרֶץ

²²וְהַפַּכְתִּי כֶּסֶא מַמְלָכוֹת וְהַשְׁמַדְתִּי חֹזֶק מַמְלָכוֹת הַגּוֹיִם וְהַפַּכְתִּי מִרְכָּבָה וּרְכִיבָה וַיִּרְדּוּ סוֹסִים וּרְכִיבֵיהֶם אִישׁ בַּחֲרָב אַחִיו

²³בַּיּוֹם הַהוּא נָאם יְהוָה צְבָאוֹת אֶקַּח זִרְבָּבֶל בֶּן שָׁאֲלִיָּאל עַבְדִּי נָאם יְהוָה וְשַׁמְתִּיךָ כְּחוֹתֶם כִּי בָךְ בַּחֲרָתִי נָאם יְהוָה צְבָאוֹת